

Poštovani/a,

Nacionalni demokratski institut i višestranačka grupa mladih političara i političarki, **Grupa 9**, su u aprilu obilježili 5 godina od formiranja ove grupe kao jednog od prvih primjera dobre i otvorene saradnje predstavnika i predstavnica različitih političkih stranaka u Bosni i Hercegovini. Tokom ovih 5 godina grupa je proizvela nekoliko različitih dokumenata uključujući i **Neumsku deklaraciju** kojom su definirali zajednička stajališta kada je riječ o boljim prilikama za život mladih u Bosni i Hercegovini. Zajedno su, uz podršku NDI-ja, održali desetine okruglih stolova, panel diskusija i javnih foruma kako bi fokus svog rada stavili na pitanja od interesa za mlade ljude u BiH. U proljeće 2019-e godine, Grupa 9 je bila i domaćin regionalne konferencije o odlasku mladih sa područja Zapadnog Balkana koja je organizovana u Sarajevu, a nakon konferencije su članovi i članice grupe radili na nekoliko zajedničkih inicijativa.

Tako su prethodne godine započeli rad na zajedničkom dokumentu koji bi bio platforma za postavljanje okvira kada je riječ o zapošljavanju mladih u Bosni i Hercegovini, njihovoj poziciji na tržištu rada, konkurentnosti te najoptimalnijim načinima korištenja poticaja za zapošljavanje i samozapošljavanje. U tu svrhu pripremljeno je kratko istraživanje sadržano od diskusija tokom fokus grupa sa mladim ljudima širom Bosne i Hercegovine te od dubinskih intervjua sa različitim učesnicima u procesu (uključujući poslodavce, predstavnike biroa za zapošljavanje, stručnjake iz oblasti ljudskih resursa te istraživače koji se bave strategijom zapošljavanja).

Ovo kratko istraživanje će biti predstavljeno na događaju pod nazivom:

### *Mladi u fokusu*

#### *Budućnost tržišta rada: politike i strategije*

koji NDI i Grupa 9 organizuju **22.5.2021. godine**. Događaj je zamišljen kao konsultativna panel diskusija sa učešćem različitih učesnika i učesnica procesa, a biće prenošen i uživo putem FB stranice Grupe 9.

*Pozivamo Vas da nam se pridružite putem Zoom platforme tokom čitavog događaja ili jedne od panel diskusija. Ukoliko ste u prilici da nam se pridružite i učestvujete u diskusiji postavljajući pitanja panelistima i panelisticama ili da date svoje mišljenje o nekoj od tema, molimo Vas da **najkasnije do četvrtka, 20.5.**, izvršite prijavu na e-mail [vguso@ndi.org](mailto:vguso@ndi.org) (Vekas Gušo), a potom ćete dobiti pristupne podatke i linkove za događaj.*

Pored prezentacije istraživanja, događaj će se sastojati od 4 panel diskusije:

### **10:00 - 11:30 Mladi u fokusu - strategije i politike zapošljavanja**

*Tokom ovog panela ćemo predstaviti naše istraživanje te motive i planove Grupe 9 kada je riječ o korištenju istraživanja u svrhu izrade zajedničkog dokumenta. Razgovaraćemo s mladim parlamentarcima i parlamentarkama o njihovom viđenju politika i strategija za zapošljavanje mladih te formirati preporuke na osnovu diskusije i vašeg angažmana tokom panela.*

### **11:45 - 12:45 Panel I: Obrazovanje u fokusu**

*Obrazovanje bi trebalo da bude naš stub u kreiranju poslovnog puta i pomoć u konkurentnosti na tržištu rada. Da li je to tako u Bosni i Hercegovini razgovaraćemo sa ekspertima, predstavnicima nevladinog sektora i državnih institucija. Jedva čekamo da i vi podijelite svoja iskustva sa nama i pomognete nam da kreiramo preporuke i iz ove oblasti.*

### **13:00 - 14:00 Panel II: Poduzetnost i preduzetništvo mladih u fokusu**

*Kada smo bili domaćini regionalne konferencije o odlasku mladih iz regiona prije tačno 2 godine, najponosniji smo bili na panel sa mladim preduzetnicima iz BiH koji su podijelili svoje iskustvo sa nama. Sretni smo što će i na ovom događaju biti neki od njih i uporediti svoje iskustvo u prethodnom periodu, a pridružiće nam se i neki novi sjajni preduzetnici. Govorićemo i o tome kako se mladi ljudi snalaze na tržištu rada iz ugla poslodavaca i državnih institucija koje im pomažu da se pripreme za tržište.*

### **14:15 - 15:15 Panel III: Potencijal poticaja za zapošljavanje i samozapošljavanje u fokusu**

*Znate li da je najveći postotak poticaja dostupan iz javnih fondova? Da li ih koristimo na pravi način i kako ih mladi ljudi mogu iskoristiti još bolje, efikasnije i produktivnije razgovaraćemo na posljednjem panelu ove subote, 22.5. Pridružite nam se!*

U nadi da ćete nam se pridružiti na ovom događaju, za sva dodatna pitanja, molimo Vas da kontaktirate Vekasa Gušu na [vguso@ndi.org](mailto:vguso@ndi.org).